



**Crynodeb o'r prif bwyntiau o gyfarfod Grŵp Rhanddeiliaid Safle (SSG)
Trawsfynydd a gynhaliwyd ar 9 Mehefin 2022 yng Nghanolfan Ymwelwyr
Trawsfynydd.**

1. Croesawodd y Cadeirydd bawb i'r cyfarfod wyneb yn wyneb cyntaf ers COVID 19, a diolchodd i'r Is-gadeirydd am ymgymryd â'i ddyletswyddau yn ystod ei salwch diweddar. Diolchodd hefyd i aelodau'r SSG am eu dymuniadau da.
2. Cyflwynodd Angharad Rayner Adroddiad Cyfarwyddwr Cau Safle Magnox
3. Nid oedd Ian Dallas o'r Swyddfa Rheoleiddio Niwcliar yn bresennol, ond fe ddarparodd adroddiad yn ei absenoldeb a gwahoddwyd yr aelodau i anfon unrhyw ymholiadau/sylwadau a allai fod ganddynt drwy Jill Callander
4. Rhoddodd Iwan Williams briff ar adroddiad Cyfoeth Naturiol Cymru a ddosbarthwyd yn flaenorol.
5. Rhoddodd Mike Baggs briff ar adroddiad Asiantaeth yr Amgylchedd a ddosbarthwyd yn flaenorol.
6. Rhoddodd Mr Simon Napper gyflwyniad ar ran yr NDA
7. Rhoddodd Mr Ian Warner y wybodaeth ddiweddaraf am y Prosiect Dymchwel a Gwaredu Cyfadeilad y Pyllau.
8. Rhoddodd John Turp fanylion y cynllun gwaith ar gyfer y Datgomisiynu'r Rhaglen Dreigl
9. Cyflwynodd John Idris Jones, Cwmni Egino, y Prif Weithredwr newydd sef Adam Raymant, ac Elliw Williams, y Swyddog Cyfathrebu sydd newydd gael ei hethol.



**Cyfarfod Grŵp Rhanddeiliaid Safle Trawsfynydd
Dydd Iau 9 Mehefin 2022 am 13.00 o'r gloch
Canolfan Ymwelwyr Trawsfynydd**

COFNODION

YN BRESENNOL

ENW

Keith O'Brien, Cadeirydd
Y Cyng. John Richards (Is-gadeirydd)
Angharad Rayner
Mair Jones
Bill Hamilton
Steven Wilmott
Ian Warner
Rory Trappe
Claire Wing
Ben Bridgewater
John Turp
Andy McAteer
Tasmeen Akthar
Paul Richardson
Alan Raymant
John Idris Jones
Elliw William
Y Cyng. Gwynfor Owen
Y Cyng. Elfed Roberts
Nia Bowden
Y Cyng. David Meredydd Williams
Simon Napper
Simon Bromley
Sion Roberts
Iwan Williams
Mike Baggs
Sam Morgan
Matt Henccliffe
Simon Wilson
Paul Meeson

Manon ?
Sydna Roberts

SEFYDLIAD

Cyngor Cymuned Talsarnau
Cyfarwyddwr Cau Safle Magnox
Cyfathrebiadau, Magnox
Cyfarwyddwr Cyfathrebu Magnox
Prif Ymgynghorydd Gwastraff, Magnox
Rheolwr Tir Halogedig, Magnox
Cynrychiolydd Undeb Llafur , Trawsfynydd
Arweinydd Rhanbarthol Cyfathrebu, Magnox
Uwch Ymgynghorydd Gwastraff, Magnox
Rheolwr Rhaglen Peiriannau a Strwythurau, Magnox
Peiriannydd Gorsaf (Maentwrog), Magnox
Cynghorydd Amgylcheddol , Magnox
Cynrychiolydd Undeb Llafur, Magnox Trawsfynydd
Prif Swyddog Gweithredol Cwmni Eginog
Cwmni Eginog
Cwmni Eginog
Cyngor Gwynedd
Cyngor Gwynedd
Cyngor Gwynedd
Cyngor Cymuned Maentwrog
Yr Awdurdod Datgomisiynu Niwclear (NDA)
Gwasanaeth Tân Gogledd Cymru
Parc Cenedlaethol Eryri
Cyfoeth Naturiol Cymru
Asiantaeth yr Amgylchedd
Aelod o'r cyhoedd
Aelod o'r cyhoedd
Aelod o'r cyhoedd
Aelod o'r cyhoedd

Cymen - Cyfieithydd
Cymen – cofnodydd

1. Ymddiheuriadau am absenoldeb

Rhoddodd y Cadeirydd groeso i bawb i'r cyfarfod am 1pm. Nodwyd yr ymddiheuriadau canlynol: -

Jonathan Holland, Cynllunio at Argyfyngau, Cyngor Gogledd Cymru
Roy Chape, Cynllunio at Argyfyngau
Chris Thomas, Asiantaeth Safonau Bwyd
Rhys Llywelyn, Cadeirydd Cymdeithas Bysgota Prysor
Ian Dallas, Y Swyddfa Rheoleiddio Niwclear
Sioned Williams, Pennaeth Economi a Chymuned, Cyngor Gwynedd
Jeff Hall, Gwasanaeth Tân ac Achub Gogledd Cymru
Medwyn Williams, Cyngor Tref Penrhyndeudraeth
Glyn Daniels, Cyngor Gwynedd
David Wilby, Cyfoeth Naturiol Cymru

2. Cymeradwyo cofnodion y cyfarfod a gynhaliwyd ar 18 Tachwedd 2021

Cafodd cofnodion y cyfarfod ar 18 Tachwedd 2021 eu cyflwyno a'u derbyn fel cofnod cywir - (GO/JIJ), heblaw am y cywiriadau isod: -.

- Mae'r Cyng. Gwynfor Owen yn aelod ar gyfer Harlech a Llanbedr ar Gyngor Sir Gwynedd.
- Mae'r Cyng. Meredydd Williams yn cynrychioli Cyngor Cymuned Maentwrog ac nid Cyngor Tref Penrhyndeudraeth fel y cofnodwyd.

3. Materion sy'n codi o gofnodion y cyfarfod a gynhaliwyd ar 18 Tachwedd 2021

Ni chodwyd unrhyw fater

4. Anerchiad y Cadeirydd

Croesawodd y Cadeirydd bawb i'r cyfarfod yn dilyn cyfyngiadau COVID diweddar. Diolchodd i aelodau'r SSG am eu dymuniadau da yn ystod ei salwch diweddar. Diolchodd i John Richards, yr Is-gadeirydd, am ddirprwyo a gofynnodd iddo ddarparu diweddariad ers y cyfarfod diwethaf.

Cyfeiriodd JR at gyfarfod chwarterol Cadeiryddion ac Is-gadeirydd yr SSG a gynhaliwyd ar 20 Mai 2022. Cafwyd cyflwyniad gan NULEAF, llais llywodraeth leol ar ddatgomisiynu niwclear a rheoli gwastraff ymbelydrol. Cyfeiriwyd hefyd at bwysigrwydd cael mewnbwn pobl ifanc ar grwpiau SSG yn y dyfodol. Ymhelaethodd Bill Hamilton, Cyfarwyddwr Cyfathrebu Magnox ar hyn fel a ganlyn:-

- Magnox i sefydlu gwefan newydd ar gyfer SSG
- Gweithio gyda'r NDA i sefydlu Fforwm Pobl Ifanc

Nododd BH y bydd cyflwyniad ar yr uchod yn cael ei roi yng nghyfarfod nesaf SSG

Diolchodd y Cadeirydd i JR a BH am eu cyfraniad, gan nodi bod cynrychiolaeth gan bobl ifanc o Goleg Meirion Dwyfor wedi bod ar yr SSG o'r blaen, ac y byddai'r posibilrwydd o'u croesawu unwaith eto yn gam cadarnhaol ymlaen.

Estynnodd ei gydymdeimlad i Rory Trappe ar ei brofedigaeth ddiweddar.

Croesawodd Alan Raymant i'w gyfarfod cyntaf o'r SSG fel Prif Weithredwr Cwmni Egino.

Nodwyd mai Jonathan Holland bydd y Swyddog Arweiniol ar gyfer safleoedd REPPIR yng Ngogledd Cymru o fis Ionawr 2022 ymlaen.

Mae Ifer Gwyn o Horizon bellach wedi symud i rôl newydd ac ni fydd yn mynychu'r SSG mwyach. Diolchodd i Ifer am ei gefnogaeth a dymunodd yn dda iddo yn ei rôl newydd.

Mae'r Cyng. Medwyn Williams wedi rhoi gwybod nad yw bellach yn aelod o Gyngor Tref Penrhyndeudraeth. Diolchodd y Cadeirydd iddo am ei fewnbwn a'i gefnogaeth.

5. Adroddiad Cyfarwyddwr Cau'r Safle - Angharad Rayner

Croesawyd Angharad Rayner, Cyfarwyddwr Cau Safle, i'r cyfarfod a rhoddodd gyflwyniad i'r aelodau ar ddatblygiadau'r Safle ers y cyfarfod diwethaf, a grynhoir fel a ganlyn: -

Rhannu Diogelwch – yn dilyn digwyddiad yn Hinkley Point, sefydlwyd tîm ymchwilio annibynnol ar y safle a arweiniodd at argymhellion a chatau gweithredu i wneud gwelliannau, yn ogystal ag atgyfnerthu pwysigrwydd mesurau diogelwch cadarn ar draws pob Safle.

Canolbwyntio ar Ddiogelwch

Nifer y diwrnodau ers damweiniau colli amser ar hyn o bryd yw 1916 diwrnod.

Mae 671 o ddiwrnodau wedi mynd heibio ers digwyddiad halogi, ac 88 diwrnod ers digwyddiad amgylcheddol arwyddocaol.

Cynaliadwyedd – mae grŵp llywio Cynaliadwyedd Trawsfynydd wedi cael ei sefydlu sy'n cael ei gynrychioli gan amrywiaeth eang o unigolion ar draws y safleoedd sy'n frwd dros gymryd rhan yn y fenter hon. Un o'r prif brosiectau fu adnewyddu Sgwâr y Dreigiau (Dragons Square).

COVID-19 – Nodwyd y gwelliannau:

- Adolygu asesiadau risg awyru i sicrhau bod gan bob ardal y trefniadau angenrheidiol wedi'u sefydlu
- Mae profi yn y cartref yn rhan hollbwysig o atal y feirws rhag dod ar y safle ac anogir staff i gynnal Profion Llif Unffordd cyn mynd i'r safle.

- Mae'r cyfleuster profi yn y Ganolfan Ymwelwyr wedi'i ailagor ar gyfer dwy sesiwn lle bydd y tîm prawf llif unffordd wrth law i roi arweiniad a chefnogaeth.

Proffil y Gweithlu - ar hyn o bryd mae cyfanswm o 168 o staff Magnox a 56 o Weithwyr a Gyflenwyd gan Asiantaeth (ASW)

Ers mis Ionawr 2022 mae cyfanswm o 13 o Weithwyr a Gyflenwyd gan Asiantaeth wedi llwyddo i gael contractau Magnox.

Mae tri ymgeisydd allanol wedi cael eu penodi i rolau Magnox, ac mae tri arall yn mynd drwy'r broses gynefino ar hyn o bryd

Ym mis Medi, dechreuodd dau brentis arall gyda'r adran Cynnal a Chadw.

Mae'r pum prentis ffiseg iechyd a ymunodd y llynedd i gyd wedi pasio eu harholiad Gwobr am Ymwybyddiaeth o'r Diwydiant Niwclear (ANIA).

Gwobrau Cyflogaeth yr NDA – cafodd 3 chais o Drawsffynnydd eu rhoi ar y rhestr fer yng Ngwobrau Rhagoriaeth Lles eleni, a chafodd dau ohonynt ganmoliaeth uchel, sy'n llwyddiant mawr i'r safle.

Rhaglen Gweithio'n Glyfar – Mae Trawsfynnydd yn safle peilot ar gyfer y rhaglen Gweithio'n Glyfar ar draws Magnox. Mae'r rhaglen yn treialu technoleg newydd ac offer yn y gweithle i weld pa wahaniaeth y gallant ei wneud i fywyd gwaith pobl.

Yn ddiweddar, cynhaliodd y tîm Technoleg Gweithio'n Glyfar sioe deithiol ar y safle, a hynny ar y cyd â'r tîm Seiberddiogelwch a Sicrwydd Gwybodaeth. Roedd y sioe deithiol yn canolbwyntio ar y pedair ffrwd waith canlynol:

- Adnoddau Dynol
- Ymddygiad a diwylliant
- Technoleg
- Gweithio'n Glyfar/Mannau Clyfar

Grŵp Iechyd a Lles – Mae grŵp Iechyd a Lles y Safle wedi bod yn rhagweithiol iawn drwy gydol y pandemig yn cynnig gweithgareddau wyneb yn wyneb a rhai rhith, gan gynnwys boreau coffi i roi cyfle i'r rheini sy'n gweithio gartref ryngweithio â chyd-weithwyr. Maent hefyd wedi trefnu amrywiaeth o ddigwyddiadau i gefnogi iechyd meddwl a lles pobl fel

- Cyrsiau ffotograffiaeth
- Gwersi Sbaeneg
- Clwb llyfrau
- Ymwybyddiaeth ofalgar ac ioga
- Profiad gyda thylluan

Mae gan y grŵp eu tudalen mewnwyd eu hunain ac maent yn cyhoeddi cylchgrawn chwarterol.

Llwyddiannau Gwastraff – yn erbyn targed cyffredinol o adfer 50 tunnell o wastraff lefel ganolraddol (ILW) yn ystod y flwyddyn ariannol hon, mae 30 tunnell wedi'u hadfer hyd yma gyda rhagolwg o 46t erbyn diwedd Mawrth 2022 (tua 5 tunnell o wastraff lefel ganolraddol wedi'i osgoi drwy ei lanhau i Wastraff Lefel Isel).

Llwyddiannau ym maes rheoli asedau –

- Mae'r gwaith Pwmp Dail a'r Geuffos Dargyfeirio bron â chael ei gwblhau, gan leihau'r risg o ran cyflwr asedau i safle Trawsfynydd.
- Cafodd peiriannau'r ffatri eu dihalogi a'u hanfon i'w hailgylchu drwy gyfleuster trin pwrpasol.
- Mae dihalogi'r ataliwr olew yn y prif faes parcio yn cael gwared â pheryglon hen adeiladau'r safle.
- Ailwampio'r prif faes parcio.
- Adnewyddu Sgwâr y Ddraig (Dragon Square).
- **LC28 (Arolygiadau Strwythurol a Diffygion Adeiladau Sifil) Mae'r broses o dynnu cen ar SS1 ac SS2 wedi'i gwblhau**
- **LC 28 Mae'r gwaith Pyllau Diffygion a Storfeydd Diogel wedi dechrau.**

Gwagio'r Cyfadeilad Pyllau – mae'r gwaith wedi'i gwblhau yn y meysydd canlynol:

- Tanciau Oedi Terfynol
- Ystafell Newid
- Ystafell oeri'r pyllau
- Ystafell Hidlo'r Pyllau (De)
- Ardal Trin elifion gweithredol - peiriannau'r islawr wedi eu tynnu a'u clirio. Cerrig milltir arwyddocaol wedi'u cyflawni o ran tynnu ardal peiriannau peryglus iawn.
- Y gwaith Trin Dŵr Tywallt wedi dechrau – ardal o bwys halogedig arall o'r hen adeiladau.

Lleihau uchder y storfa ddiogel -

- Ar hyn o bryd, yng nghanol olaf y gwaith paratoi ar gyfer gwaith galluogi i ostwng uchder.
- Cwblhawyd y gwaith o dynnu asbestos mewn 6 o'r 8 teclyn codi ceblau.
- Disgwyli'r cwblhau yn ystod chwarter cyntaf blwyddyn ariannol 2022/23.
- Gweithgareddau caffael cychwynnol y Gadwyn Gyflenwi wedi'u cwblhau ar gyfer yr ymgynghorydd Dymchwel a chymorth Peirianeg Ymgynghorol.
 - Penodi RVA yn Ymgynghorydd Dymchwel
 - Penodi Arup yn Ymgynghorydd Cymorth Peirianeg
- Adolygu goblygiadau Caniatâd Cynllunio
- Cytundeb i gyflymu Cam 2 Capió'r To - er mwyn gallu cwblhau'r darnau bach o Gapio'r To (a gafodd eu hepgor yn wreiddiol oherwydd gofynion gweithredol)
- Nodweddion Amcanion Ansawdd Data (DQO) wedi'i gwblhau a chynlluniau Samplu a Dadansoddi wrthi'n cael eu datblygu
- Adolygiad 2 o'r Awdurdod Dylunio wedi'i gwblhau
- Adolygiad 2 o'r Awdurdod Gwastraff wedi'i gwblhau
- Arolygon R&D Asbestos wedi dechrau

Gwaith safle ar gyfer y 6 mis nesaf –

- Cwblhau'r gwaith o adfer y gwastraff swmpus o FED y De.
- Cwblhau'r gwaith o roi concrid mân-dyllog yng nghladdgell FED y Gogledd.
- Cwblhau tynnu asbestos mewn teclynnau codi ceblau yn Storfa Ddiogel 2.

- Cwblhau'r gwaith o ddymchwel waliau mewnol Storfeydd diogel 1 a 2.
- Cwblhau'r gwaith o wagio'r Safle Trin Dŵr Tywallt yn ardal Cyfadeilad y Pyllau.
- Cwblhau'r gwaith a ymgwymerwyd gan y prif gontractwr, JN Bentley, i Bwmp Dail a'r Geuffos Dargyfeirio, a datgymalu eu safle.

Ymweliadau â'r Safle – cyfeiriodd AR at sawl ymweliad safle dros y cyfnod adrodd, gan gynnwys Paul Winkle, Prif Swyddog Gweithredu Magnox, Dave Peattie, Prif Swyddog Gweithredol yr NDA, Cwmni Egino, Sky News a Phrifysgol Bangor. Nododd fod trefniadau ar y gweill ar gyfer ymweliad yr SSG â'r safle ym mis Medi/Hydref 2022.

Grantiau Economaidd-gymdeithasol Magnox –

- **Cymorth Covid** - mae £236k allan o £300k wedi cael ei gymeradwyo hyd yma. Darparwyd £25k i Awdurdodau Lleol ger 12 safle Magnox. Mae'r rhan fwyaf o'r gefnogaeth wedi bod ar gyfer darpariaethau banc bwyd – cyfarpar diogelu personol; bocsys babi ar gyfer teuluoedd agored i niwed, pecynnau creadigrwydd ar gyfer lles meddyliol. Hefyd, mae peiriannau argraffu 3D wedi cael eu prynu ar gyfer ysgol uwchradd a choleg i gynhyrchu feisorau ar gyfer gweithwyr allweddol.
- Derbyniodd **Neuadd Goffa Cricieth** £1,000 o gyllid economaidd-gymdeithasol cymydog da tuag at wella effeithlonrwydd ynni yn y neuadd.
- **Derbyniodd Ymddiriedolaeth Rheilffordd Llyn Tegid** £23k o gyllid Magnox yn 2019 a oedd yn cefnogi camau cynnar y prosiect. Mae £38,970 ychwanegol wedi cael ei gymeradwyo ar gyfer ffioedd proffesiynol er mwyn bodloni rhwymedigaethau gan gyrff cynllunio a rheoleiddio.
- Mae **Grŵp Llandrillo Menai** wedi cael cyllid uniongyrchol o £386,034 gan yr NDA tuag at brosiect LabSTEM sy'n werth £1.9m.

Nododd AR hefyd y bydd ymarfer Cynllun Argyfwng Lefel 1 yn cael ei gynnal ar 15 Mehefin lle bydd y Gwasanaethau Brys yn bresennol ar y safle.

Diolchodd y Cadeirydd i AR am ei ddiweddariad cynhwysfawr a gwahoddodd yr aelodau i gyflwyno unrhyw gwestiynau.

Sesiwn Holi ac Ateb

Holodd y Cyng. G Owen a fu cynnydd ym mhroffil y gweithlu. Holodd hefyd a oedd arian ychwanegol ar gael drwy'r grantiau Economaidd-Gymdeithasol. Nododd AR gynnydd bras o 30 ym mhroffil y gweithlu. Cadarnhaodd MJ y bydd cyllid ychwanegol ar gael.

Gofynnodd Paul Richardson a fyddai'r posibilrwydd o ddatblygu Adweithydd Modiwlaid Bach (SMR) yn effeithio ar y broses ddatgomisiynu. Nododd AR ei bod yn rhy gynnar yn y broses i roi sylw.

Gofynnodd Matt Hencliffe a fyddai unrhyw waith ailgylchu'n cael ei wneud yn fewnol neu'n allanol. Dywedodd AR y byddai prif gontractwyr yn cael eu defnyddio o ran ailgylchu gan nad oes unrhyw sgiliau mewnol perthnasol.

Cadarnhaodd JT mai dim ond eitemau heb eu halogi fydd yn cael eu hailgylchu. Cadarnhaodd hefyd y bydd astudiaeth ddichonoldeb yn cael ei chynnal o ran defnyddio'r Rheilffordd yn y dyfodol.

Ailadroddodd y Cyngorydd Meredydd Williams y farn bod cynnal deialog barhaus gyda'r gymuned leol yn hanfodol.

Cyfeiriodd S Morgan at brosiectau lleol eraill a fydd yn cael eu cynnal dros y blynyddoedd nesaf a holodd ynghylch y posibilrwydd o drosglwyddo sgiliau gweithlu'r prosiectau hynny i safle Traws, a thrwy hynny sicrhau swyddi. Dywedodd AR mai cylch gwaith Magnox yw datgomisiynu'r safle ac na ragwelir unrhyw 'gwrthdaro' o ran materion yn ymwneud â'r gweithlu ar hyn o bryd. Pwysleisiodd y Cadeirydd eto mai rôl yr SSG yw cydweithio'n agos â'r broses ddatgomisiynu, gan gydnabod ei bod yn bosibl y bydd datblygiadau yn y dyfodol yn cael eu cyflawni ar y cyd. Nododd BH y gallai unrhyw ddatblygwr 'adeiladu newydd' sefydlu grŵp rhanddeiliaid ar wahân.

6. Adroddiad gan y Swyddfa Rheoleiddio Niwclear - Ian Dallas

Roedd Mr Ian Dallas wedi ymddiheuro am ei absenoldeb, fodd bynnag, nodwyd a derbyniwyd cynnwys yr adroddiad a gyflwynodd. Roedd croeso i'r aelodau ddarparu unrhyw sylwadau neu ymholiadau pellach ar e-bost drwy Jill Callander. (jill.m.callander@magnoxsites.com)

7. Adroddiad gan Cyfoeth Naturiol Cymru - Iwan Williams

Nododd IW nad oedd unrhyw faterion arwyddocaol i'w nodi a bod cydweithio rhwng Cyfoeth Naturiol Cymru a Magnox yn parhau gydag ymweliadau ar y safle yn cael eu hadfer yn dilyn cyfyngiadau COVID-19.

Sesiwn Holi ac Ateb Fforwm Agored – ni chodwyd unrhyw fater

8. Adroddiad gan Asiantaeth yr Amgylchedd – Mike Baggs

Dywedodd MB fod 3 ymweliad safle wedi digwydd yn ystod y cyfnod adrodd hwn ac nad oedd unrhyw faterion na phryderon ynghylch diffyg cydymffurfio wedi cael eu cofnodi. Dywedodd fod llawer o'r gwaith a wnaed wedi'i wneud mewn perthynas â dogfennau asesu ar gyfer dymchwel cyfadeilad y pyllau.

Sesiwn Holi ac Ateb Fforwm Agored – ni chodwyd unrhyw fater

9. Adroddiad gan yr Awdurdod Datgomisiynu Niwclear – Simon Napper

Rhoddodd SN grynoded o adroddiad yr Awdurdod Datgomisiynu Niwclear (NDA), gan dynnu sylw at y canlynol yn arbennig:

Y Broses ar gyfer Lleoli Cyfleuster Gwaredu Daearegol (GDH) – mae tair Partneriaeth Gymunedol yng Ngorllewin Cumbria erbyn hyn. Mae Partneriaethau Gymunedol yn gam pellach yn y broses gychwynnol i ganfod ffeithiau a thrafod gyda'r gymuned leol ynghylch cynnal GDH.

Yn Swydd Lincoln, mae Theddlethorpe wedi cyhoeddi ei Ardal Chwilio leol, h.y. y man lle byddai'n chwilio am safle ar gyfer creu GDF. Mae'r Gweithgor Lleol yn bwriadu symud y broses yn ei blaen dros y misoedd nesaf a sefydlu Partneriaeth Gymunedol.

Digwyddiad Cadwyn Gyflenwi - dyddiad newydd wedi'i bennu ar gyfer 21 Gorffennaf 2022 a bydd yn cael ei gynnal yn The International Centre, Telford gyda seremoni Woobrau'r Gadwyn Gyflenwi yr un diwrnod.

NDA –'Keeping the Conversation going' – bydd Uwchgynhadledd y Rhanddeiliaid eleni yn ddigwyddiad wyneb yn wyneb a gynhelir yng Nghaeredin ar 7-8 Medi 2022

Yr NDA a Chwmni Egin yn Cydweithio - mae BEIS wedi cyhoeddi y bydd yr NDA yn gweithio gyda Chwmni Egin i ddatblygu cynigion ar gyfer datblygiadau niwclear newydd yn Nhrawsfynydd

Sesiwn Holi ac Ateb

Mynegodd y Cyng. Elfed Roberts y pryder lleol ynghylch gwaredu gwastraff. Esboniodd AR y 3 lefel o wastraff a sicrhodd yr aelodau fod yr holl wastraff yn cael ei waredu yn unol â rheoliadau statudol llym.

Gofynnodd y Cynghorydd John Richards pryd y byddai'r adweithyddion nwy-oeredig uwch (AGRs) yn cael eu trosglwyddo i'r NDA. Nodwyd bod yr NDA wedi cael cyfarwyddyd gan y Llywodraeth i gymryd perchnogaeth o saith safle EDF AGR ar gyfer datgomisiynu yn y dyfodol. Bydd Magnox Ltd yn gyfrifol am ddatgomisiynu'r saith safle ar ôl gwagio tanwydd

Holodd Rory Trappe a oedd model gweithlu'r NDA ar gyfer datgomisiynu yn cynnwys sgiliau lleol cyfredol, ac a fydd yr elfen hon yn cael ei nodi'n glir yn y Strategaeth. Cydnabu SN y bydd y diwydiant datgomisiynu'n tyfu dros y blynyddoedd nesaf a bod prosiectau gweithlu'n cael eu cynnal ar y cyd â Llywodraeth Cymru ar hyn o bryd.

10. Y diweddaraf am brosiect dymchwel cyfadeilad y pyllau – Ian Warner

Rhoddodd IW adroddiad diweddarar ar yr uchod gan dynnu sylw penodol at ffurfweddiad y cyfadeilad. Amlinellodd y rhaglen waith gyfredol fel a ganlyn:-

- Tynnu peiriannau yn systematig
- Nodweddu
- Ffurfweddiad gwaredu
- Cydymffurfedd â dŵr daear
- Datblygu ceisiadau cynllunio
- Ymgysylltu â rhanddeiliaid
- Datblygu cais am amrywio trwydded

Cyfeiriodd at bwysigrwydd Ymgysylltu'n gadarn â Rhanddeiliaid, gyda Chynllun Cyfathrebu y cytunwyd arno yn gefn iddo. Bydd y gweithgareddau ymgysylltu yn cynnwys

- llythyr dwyieithog i gymunedau lleol i'w ddosbarthu'n gynnar

- creu Neuadd y Dref rithiol a fydd yn llwyfan ar gyfer rhannu gwybodaeth a derbyn sylwadau.
- sefydlu canolfannau galw heibio mewn Llyfrgelloedd; caffi Lakeside a neuaddau Pentref/Tref

Sesiwn Holi ac Ateb

Holodd JR beth fyddai'n digwydd pe bai Parc Cenedlaethol Eryri yn erbyn unrhyw gynlluniau gwaredu. Nododd IW y byddai hyn yn dibynnu ar beth allai'r mater fod.

11. Datgomisiynu'r Rhaglen Dreigl – John Turp

Rhoddodd JT ddiweddariad ar Datgomisiynu'r Rhaglen Dreigl (RPD) a grynhoir fel a ganlyn:

- Disgwylir cymeradwyaeth strategol ar gyfer Achos Busnes yr RPD yr haf hwn, ac ar hyn o bryd mae yn y broses o gael ei gymeradwyo gan BEIS/y Trysorlys.

Gwaith i'r dyfodol:

- Datblygu manylebau ar gyfer cynlluniau dylunio technegol a masnachol
- Datblygu a darparu nodweddion cwrpas y gwaith i feithrin dealltwriaeth o briodweddau ffisegol a radiocemegol yr adweithyddion.
- Datblygu'r strategaeth wastraff ymhellach i ddatblygu ein dulliau gweithredu ar gyfer delio â'n sgil-gynhyrchion gwastraff yn y dyfodol, yn ymbelydrol ac yn anymbelydrol.
- Datblygu'r strategaeth fasnachol ar gyfer partneriaeth(au) tymor hir

Sesiwn Holi ac Ateb

Gofynnodd y Cyng. Meredydd Williams faint o wastraff concrit a allai fod, ac a fyddai'n cael ei falu. Nododd JT ei bod yn ansicr ar hyn o bryd ynghylch y swm, ond sicrhodd yr aelodau y byddai unrhyw ailddefnyddio neu waredu yn cael ei wneud yn unol â'r trwyddedau priodol.

Holodd JR ynghylch y llwybr gwaredu ar gyfer graffit. Cadarnhaodd JT y byddai graffit yn cael ei storio mewn blychau ar y safle yn unol â rheoliadau. Nododd hefyd fod Rhaglen Waith Genedlaethol yn edrych ar ddulliau gwaredu graffit ar hyn o bryd ac y bydd aelodau'n cael y wybodaeth ddiweddaraf yn rheolaidd am y gwaith hwn.

O ran pryderon yr aelodau am barhad presennol y gweithlu, roedd JT yn cydnabod yr angen am strategaeth recriwtio a chadw gadarn i nodi sgiliau trosglwyddadwy cyfredol.

12. Diweddariad Cwmni Egino – John Idris Jones

Atgoffodd JIJ yr aelodau bod Cwmni Egino, endid sy'n eiddo i Lywodraeth Cymru, wedi ei sefydlu er mwyn dod â chyflogaeth o safon a ffyniant economaidd i'r ardal, yn ogystal ag hyrwyddo dyfodol y Gymraeg. Cyflwynodd ddau aelod newydd o staff Cwmni Egino - Mr Adam Raymant, y Prif Swyddog Gweithredol ac

Elli Williams, Swyddog Cyfathrebu. Rhoddodd Mr Adam Rayment anerchiad byr yn nodi mai'r gwaith allweddol ar gyfer y 12 mis nesaf fydd nodi rolau a chylch gwaith yn Egin, a dysgu o wersi a phrofiadau blaenorol gyda chymorth gan Lywodraeth Cymru. Dywedodd fod cydweithio gyda'r NDA yn allweddol er mwyn adnabod ffrydiau gwaith, rhyngwynebau safle a sicrhau gweithgarwch ar y cyd. Bydd hyn yn gwella'r gwaith o gynllunio adnoddau gyda mewnbwn Magnox. Roedd hefyd yn cydnabod y pryderon a godwyd gan aelodau yn ystod y cyfarfod ynghylch gweithlu'r dyfodol.

Llongyfarchodd y Cadeirydd Adam R a EW ar eu penodiadau.

Sesiwn Holi ac Ateb

Holodd RT a oedd unrhyw gwmnïau perthnasol wedi nodi Traws fel safle posibl ar gyfer lleoli Adweithydd Modiwlaid Bach. Dywedodd AR nad oedd unrhyw gynigion wedi'u cadarnhau eto, ond ei fod yn fater pwysig gyda llawer o gwestiynau ar y bwrdd. Nododd EW bwysigrwydd ceisio barn yn lleol ac, fel Swyddog Cyfathrebu Egin, gwahoddodd yr aelodau i gysylltu â hi er mwyn hwyluso cyfleoedd ar gyfer trafodaeth leol.

13. Unrhyw fater arall

Aelodaeth SSG - Cynghorwyr Lleol

Cytunwyd y dylai Jill Callander adolygu'r uchod yng ngoleuni'r etholiadau diweddar i Awdurdodau Lleol a Chynghorau Tref a Chymuned. [CAM GWEITHREDU – Jill Callander i adolygu'r rhestr ddosbarthu i sicrhau bod hyn yn gyfredol.](#)

Gwaith Cynnal a Chadw

Rhoddwyd gwybod i'r aelodau bod gwaith i archwilio cyflwr y bont droed yn mynd rhagddo. Hefyd, mae lefel isel y llyn wedi bod o ganlyniad i waith cynnal a chadw ym Maentwrog, fodd bynnag mae disgwyl i'r lefel godi dros yr wythnos nesaf.

16. Dyddiad ac amser y cyfarfod nesaf

Dyddiad:	1 Rhagfyr 2022
Amser:	l'w gadarnhau
Lleoliad:	Canolfan Gynadledda a Sefydlu Trawsfynydd

Daeth y cyfarfod i ben am 3:30pm